



Broj: 01-11-8492-5 /23
Sarajevo, 07.07.2023.g.

Na osnovu člana 4. Uredbe o osnivanju Kabineta predsjedavajućeg i zamjenika predsjedavajućeg Skupštine Kantona Sarajevo ("Službene novine Kantona Sarajevo", br. 46/21), člana 15. Uredbe o dodjeli transfera neprofitnim organizacijama i pojedincima iz Budžeta Kantona Sarajevo (Službene novine Kantona Sarajevo", br.22/21 i 13/22), a u vezi sa Odlukom Vlade Kantona Sarajevo o usvajanju Programa utroška sredstava tekućih transfera utvrđenih Budžetom Kantona Sarajevo za 2023. godinu Kabineta predsjedavajućeg i zamjenika predsjedavajućeg Skupštine Kantona Sarajevo ("Službene novine Kantona Sarajevo", broj 31/23), šefica Kabineta predsjedavajućeg i zamjenika predsjedavajućeg Skupštine Kantona Sarajevo, d o n o s i

U P U T S T V O

za podnosiocе prijave na Javni poziv za podnošenje prijave za dodjelu sredstava neprofitnim organizacijama i pojedincima u svrhu finansiranja/sufinansiranja aktivnosti/programa/projekata održivog povratka u Republiku Srpsku iz Budžeta Kantona Sarajevo za 2023. godinu (u daljem tekstu: Javni poziv), sa razdjela Kabineta predsjedavajućeg i zamjenika predsjedavajućeg Skupštine Kantona Sarajevo (u daljem tekstu:Kabinet) sadrži sljedeće:

1)predmet finansiranja

-finansiranje/sufinansiranje aktivnosti/programa/projekata održivog povratka u Republiku Srpsku, usmjerenih ka poboljšanju kvalitete života povratnika, a odnose se na pojedince i neprofitne organizacije.

2)opće i posebne ciljeve programa utroška sredstava sa razdjela Kabineta

- Ciljevi su sadržani u tabelarnom prikazu programa utroška sredstava sa razdjela Kabineta, koji se objavljuje na službenim stranicama davaoca sredstava u svrhu obezbjeđenja pristupa i raspolaganja budžetskim sredstvima na principu zakonitog, namjenskog, transparentnog i efikasnog finansiranja/sufinansiranja po Javnom pozivu.

3)ukupnu vrijednost programa i iznose predviđene za pojedine programske oblasti

-sadržana u programu utroška sredstava sa razdjela Kabineta, koji se objavljuje na službenim stranicama davaoca sredstava

4)ciljna grupa

- populacija stanovništva koja je izrazila želju za povratkom i koja ima prebivalište u Republici Srpskoj
-neprofitne organizacije od značaja za održivi povratak

5)prihvatljive troškove

- troškovi proistekli u skladu sa tačkom 7.ovog Uputstva

6)neprihvatljive troškove

- troškovi zaposlenika(plaće), kamate na dug, kazne, troškovi sudskog spora, bankovni troškovi, trošak police osiguranja, gubici i sl.

7)odobrena sredstva za realizaciju troškova programa, projekta ili aktivnosti koriste se za:

- a) administrativne troškove maksimalno do 30%
- b) projektne aktivnosti minimalno 70%.

8)pravila vidljivosti prilikom provođenja programa/projekta/aktivnosti

-podaci o dodjeli sredstava objavljuju se na službenim stranicama davaoca sredstava i unose u Registar transfera neprofitnim organizacijama i pojedincima
-davaoc sredstava može promovirati rezultate programa, naglašavajući postignute rezultate i promjene

9)opis postupka administrativne provjere(selekcije)prijave

-sadržan u internom aktu o organizacijskim preduslovima i aktivnostima po Javnom pozivu za dodjelu transfera koji se objavljuje na službenim stranicama davaoca sredstava.
-rukovodilac davaoca sredstava imenuje komisiju za provođenje postupaka po Javnom pozivu

10)opis postupka odabira programa/projekta/aktivnosti

-zadaci komisije definisani Internim pravilnikom o organizacijskim preduslovima i aktivnostima po Javnom pozivu za dodjelu sredstava neprofitnim organizacijama za finansiranje/sufinansiranje programa/projekata /aktivnosti održivog povratka u Republiku Srpsku iz Budžeta Kantona Sarajevo za 2023.godinu sa razdjela Kabineta, koji se objavljuje na službenim stranicama davaoca sredstava.

11)razloge, rokove i načine podnošenja i rješavanja prigovora

-po okončanju rada komisije iz tačke 9.ovog Uputstva i objavljivanju rezultata o dodjeli sredstava, može se uložiti prigovor rukovodiocu davaoca sredstava, osim ako prijava nije odbijena kao nepotpuna, neblagovremena i neuredna. Rok za podnošenje prigovora je sedam dana od obavijesti podnosiocu, čija prijava nije prihvaćena za finansiranje.

12)opis postupka ugovaranja

-po donošenju konačne odluke o dodjeli sredstava, davaoc sredstava potpisuje ugovore o dodjeli transfera sa korisnicima budžetskih sredstava u kojima će biti definisana međusobna prava i obaveze ugovornih strana, a posebno način i dinamika korištenja dodijeljenih sredstava, nadzor nad utroškom istih, te neprihvatljivi troškovi.

13)opis postupka praćenja provođenja programa/projekta/aktivnosti

- davaoc sredstava zadržava pravo da prati provođenja programa/projekata/aktivnosti u svim fazama dodjele sredstava na načelima proporcionalnosti i rizičnosti.
-u slučaju utvrđenog ne namjenskog trošenja budžetskih sredstava, kao i nedostavljanja izvještaja od strane korisnika, davaoc budžetskih sredstava će, u skladu sa zakonskim i podzakonskim aktima, obavijestiti nadležno ministarstvo finansija i budžetsku inspekciju, te aktivirati mehanizme povrata sredstava.

14)okvirni kalendar provođenja svih postupaka

-nakon usvajanja Budžeta Kantona Sarajevo za tekuću godinu u skladu sa Godišnjim planom Javnih poziva, koji se objavljuje na službenim stranicama davaoca sredstava.

Napomena: svi obrasci neophodni za apliciranje nalaze se na službenim stranicama davaoca sredstava: <https://skupstina.ks.gov.ba/preuzimanja/obraci>

**ŠEFICA KABINETA
Aida Arap, s.r.**



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-044, Fax: + 387 (0) 33 562-210
Web: <http://skupstina.ks.gov.ba>
E-mail: aida.arap@skupstina.ks.gov.ba